



Na osnovu člana 15. Zakona o principima lokalne samouprave, („Službene novine Federacije BiH“ broj 49/06 i 51/09), člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20) i Odluke o izvršavanju budžeta za tekuću godinu, Općinski načelnik donosi:

**PRAVILNIK
O RASPODJELI NOVČANIH SREDSTAVA ZA DODJELU JEDNOKRATNE NOVČANE POMOĆI
PORODILJAMA**

Član 1.

Pravilnikom o raspodjeli novčanih sredstava za dodjelu jednokratne novčane pomoći porodiljama (u daljem tekstu: Pravilnik), utvrđuju se kriteriji i način dodjele jednokratne novčane pomoći porodiljama čije je prebivalište/boravište na području Općine Hadžići, i koje su ostvarile pravo na novčanu pomoć ženi-majci koja nije u radnom odnosu ili pravo na novčanu naknadu umjesto plaće ženi majci u radnom odnosu putem Službe za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići.

Član 2.

Finansijska sredstva utvrđena na ekonomskom kodu 614239-grant za jednokratnu pomoć stanovništvu na području Općine Hadžići raspoređuje Općinski načelnik zaključkom na prijedlog Službe za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići, (u daljem tekstu: Služba), a u skladu sa utvrđenim kriterijima.

Član 3.

Porodilja koja rodi prvo ili drugo novorođeno dijete ima pravo na jednokratnu novčanu pomoć u visini od 300,00 (tristotine 0/100) KM.

Porodilja koja rodi treće i svako naredno novorođeno dijete ima pravo na jednokratnu novčanu pomoć u visini od 350,00 (tristotinepedeset 0/100) KM.

Član 4.

Kriteriji za ostvarivanje prava na jednokratnu pomoć iz člana 1. ovog Pravilnika su:

- a) Da žena-majka koja podnosi zahtijev ima prebivalište na području Općine Hadžići najmanje jednu (1) godinu prije podnošenja zahtijeva ili priznat status raseljene osobe.
- b) Da bračni drug porodilje nije ostvario pravo na jednokratnu pomoć na području općine svog prebivališta
- c) Da je dijete rođeno u vremenskom periodu od 01.01.2025.godine.
- d) Rješenje službe o prizatom pravu na naknadu umjesto plaće ženi-majci u radnom odnosu, za vrijeme dok odsustvuje sa posla radi trudnoće, porođaja i njege djeteta, ili novčanu pomoć nakon porođaja ženi-majci koja nije u radnom odnosu.
- e) Otvoren bankovni žiro-računa.

Član 5.

Zahtjev za ostvarivanje prava na jednokratnu novčanu pomoć podnosi porodilja putem Protokola Općine Hadžići, te je uz isti dužna dostaviti sljedeću dokumentaciju:

- a) Prijava mjesta prebivališta za oba roditelja,
- b) Izvod iz matične knjige rođenih za novorođeno dijete (djecu), rođeno od 01.01.2025.godine,
- c) Kućna lista,
- d) Rješenje Službe o priznatom pravu na naknadu umjesto plaće ženi-majci u radnom odnosu, za vrijeme dok odsustvuje s posla radi trudnoće, porođaja i njege djeteta, ili novčanu pomoć nakon porođaja ženi-majci koja nije u radnom odnosu,
- e) Kopija tekućeg transakcijskog racuna.

Član 6.

Podneseni zahtjev važi samo za budžetsku godinu u kojoj je zahtjev podnesen.

Član 7.

Jednokratna novčana pomoć porodiljama dodjeljivat će se putem Službe za privredu, finansije i inspekcijски nadzor, uplatom na tekući račun porodilje.

Član 8.

Izmjene i dopune ovog Pravilnika vršit će se na način i po postupku koji važi za njegovo donošenje.

Član 9.

Ovaj pravilnik stupa na snagu danom donošenja i bit će objavljen na oglasnoj ploči i web stranici Općine Hadžići, a primjenjivat će se od 01.01.2025.godine.

Broj: 02-11-3-2330/25

Datum: 20.02.2025.godine

